

Powšitkowne WOZJEWJENJA

njedźelu, 24. januara 2016

Bratrowstwo hraje w Haslowje

Dźiwadłowa skupina Bratrowstwa zahraje hru „Hdyž kokula woła“ tutu njedźelu, 24. januara, w 16.00 hodź. w Haslowskim Bizoldec hosćencu. Wšitcy su wutrobnje přeprošeni.

DVD z filmom pasionskeje hry hotowa

Wšitcy, kotřiž su sej knihu wo pasionskej hrě kupili, móža sej nětko tež k njej slušacu DVD z filmom darmotnje wotewzać. To je móžno we wšěch wobchodach, hdžež su sej wobrazowy zwjazk kupili.

Zetkanje samostejacych w Smochćicach

Samostejacy ze serbskich wosadow su na swoje přichodne zetkanje wutoru, 16. februara, w 14 hodź. do Domu biskopa Bena w Smochćicach přeprošeni. Zajimcy njech so prošu hač do srjedy, 10. februara, w redakciji Katolskeho Posoła přizjewja, telefonowe číslo (0 35 91) 55 02 12. Štóž chce wotewzaty być, njech to prošu zdźěli.

W zymskich prózdninach do Schmiedeberga

Dekanatne dušepastyrstwo přeprošuje šulerki a šulerjow 4. a 5. lětnika w druhim tydźenju zymskich prózdnin wot pónđzele do pjatka, 15. do 19. februara, na zhromadne dny do Winfriedoweho domu w Schmiedebergu. Zajimcy njech so prošu hač do wutory, 26. januara, pod telefonowym číslom 03 57 96 (8 87 07) we Worklecach přizjewja, hdžež zhonja dalše informacije.

Maćična akademija

Dr. Susanne Hozyna, wědomostna sobudžělaćerka Serbskeho instituta w Budyšinje, přednošuje štwórtk, 28. januara, w 19.30 hodź. w Budyskim hosćencu „Wjelbik“, Žitna 7, k temje „Krabat – kuzłar a huzar“. Přednošk budže w serbskej rěči, zastup je darmotny. Wšitkich zajimcow stawizniska sekcija Maćicy Serbskeje wutrobnje přeprošuje.

Přednošk wo Worklečanskej kapałce

Dr. Beno Wałda přednošuje pónđzele, 1. februara, w 19.30 hodź. w kafeteriji Domu swjateho Jana w Smječkecach k temje „Swójba von Stolberg a Worklečanska kapałka“. Wšitcy zajimcy z bliska a daloka su wutrobnje witani.

Zhromadny dzeń za 1. a 2. lětnik

Dekanatne dušepastyrstwo přeprošuje džěci 1. a 2. lětnika sobotu, 30. januara, wot 9 do 15 hodź. do Don Boskoweho domu we Worklecach. Zajimcy njech so prošu hač do wutory, 26. januara, pod telefonowym číslom (03 57 96) 8 87 07 we Worklecach přizjewja.

Hłowna wólbna zhromadźizna TCM

Předsydstwo Towarstwa Cyrila a Metoda z.t. (TCM) přeprašuje wšitkich člonow towarstwa, člonow sekcijow a korporacijow kaž tež zajimowanych hosći na swoju hłownu wólbnu zhromadźiznu pónđzelu, 22. februara, do Radworja. Započnjemy we 18.30 hodž. z Božej mšu w cyrkwi. Přizamknje so zhromadźizna na farje.

Putniskej jězbje do Roma a do Grjekskeje

W Swjaty m lěće miłosće přeprašuju zajimcow na putnisku jězbu z lětađom do Roma, a to wot njedzele do štwórtka, 11. do 15. septembra. Dalša putniska jězba z lětađom powjedze wot pónđzele, 30. meje, do wutory, 7. junija, do Grjekskeje. Wopytamy mjaz druhim Athen a najwažniše marijanske putniske městno Grjekskeje Tinos, kotrež mjenuja tež grjekski Lourdes. Nadrobniše informacije dóstanjeće pod telefonowymaj čislomaj (01 63) 7 33 82 05 abo (03 57 96) 9 54 28 (po 19 hodž.) abo pola mje w Hórkach, Sydlišćowy puć 2. *Maćij Hadank*